

►Viver era a chasa senza fimar



Stop al fimar: Bain preparà è mez gudagnà

Voss medi da chasa sustegna Vossas stentas per chalar da fimar. Discurri cun el davart Voss problems.

Tgi che vul chalar da fimar d'atgna iniziativa, chatta buns impuls en il program d'autoagid gratuit «Ziel Nichtrauchen». Ins po entrar en il program directamain sur www.stop-tabac.ch



Associazion svizra
per la prevenzion dal tubachissem
Effingerstrasse 40 3001 Berna

Ulterioras infurmazius e broschuras:

telefon 031 389 92 46 fax 031 389 92 60
info@at-schweiz.ch www.at-schweiz.ch

Viver era a chasa senza fumar

Pir cura ch'ils uffants e giuvenils ed era ils crescids che na fiman betg, respiran era a chasa aria senza fim, èn els protegids efficaziamain cunter donns da la sanadad entras il fim passiv.

Gia las pli pitschnas quantitads da fim da tubac fan donn a la sanadad. Perquai n'èsi era betg pussaivel da definir valurs da cunfin per il tubachissem passiv. Sch'ils fimaders avran la

fanestra, van en in auter local a fumar u mettan en funcziun la climatisaziun, svenescha sin il pli la savur da fim. Ma las particas nuschaivlas dal fim da tubac sgulatschan vinavant dapertut en l'aria.

► Avantatgs per tuts

Sch'i na vegn betg firmà a chasa,

- pateschan ils uffants bler main savens da mal-sognas chaschunadas entras il tubachissem passiv,
- è la ristga main gronda ch'ils giuvenils entschivan insumma a fumar,
- tegnan fimaders giuvenils e crescids che vulan smetter da fumar pli tgunsch la dira,
- na spizza la vestgadira betg da fim da tubac.

Uschia As protegis Vus cun success dal tubachissem passiv

- Declrai Vossa abitaziun e Voss auto sco zona senza fim.
- Pretendai da Voss amis e Voss enconuschents da betg envidar ina cigarette en Vossa preschienttscha ed en la preschienttscha da Voss uffants.
- As engaschai per ch'era las canortas d'uffants e las scolas sajan libras da fim.
- Frequentai unicamain restaurants ed autres localitads ch'en cumplettamain libras da fim.

► Ils geniturs èn in exempl

Ils geniturs èn ils exempels principals da lur uffants. Esser in exempl vu dir tranter auter da mussar sias fermezzas e sias flaivellezzas. Era sch'ils geniturs fiman, pon els discutar a chasa davart il consum da tubac. Sch'ils geniturs na fiman betg, pon els introducir a chasa questa tenuta sco ina regla clera.

Sch'ils giuvenils cumenzan a fumar regularmain, giogan differents motivs ina rolla. Sper las mir-

veglas, ils collegas che fiman, il squitsch da la gruppa, il giavisch d'esser creschi e maletgts da reclama attractivs, èn era ils geniturs ed ils fragliuns che fiman in motiv per cumenzar a fumar.

Igl è cumprovà che uffants che creschan si en in ambient senza fim, davantan main savens fimaders che uffants cun geniturs u fragliuns che consumeschan cigaretas.

► Fatgs

Il tubachissem passiv è tissi per la sanadad

Il fim passiv sa cumpona dal fim da las cigaretas envidadas e dal fim che vegn puspè expirà dals fimaders. Il fim passiv cuntegna passa 250 substanzas chemicas toxicas u cancerogenas. Ils uffants exposts al fim passiv respiran sco ils fimaders bleras da las substanzas nuschaivlas u cancerogenas.

- Tar ils uffants retardescha il tubachissem passiv la crescientscha dal lom e chaschuna mal-sognas da las vias respiratoricas, inflammaziuns da l'ureglia da mez ed asma. Ina ferma attatga dad asma po periclitari la vita d'in uffant.
- En la vegliadetgna da scola provochescha il tubachissem passiv surtut irritaziuns da tuss, mucosa en il culiez ed en la gula, ina respiraziun tschivlanta e difficultads da respirar.
- Tar nunfimaders crescids s'augmenta entras il tubachissem passiv la ristga d'in cancer dal lom e da malsognas dal cor.

Quants uffants e giuvenils èn exposts a chasa al tubachissem passiv?

Tenor il studi svizzer SCARPOL, realisà l'onn 1992/93, davart las difficultads da las vias respiratoricas e las allergias tar uffants da scola, eran 47 pertschient da tut ils uffants da scola en la vegliadetgna da 6 enfin 14 onns exposts

nunvolidamain a chasa al tubachissem passiv. Indicaziuns actualas davart il tubachissem passiv a chasa n'èn betg avant maun per questa gruppera da vegliadetgna.

Vers la mesadad dals onns 1990 fimava circa in terz da la populaziun sur 15 onns. Il 2006 fimavan 29 pertschient da la populaziun da 14 enfin 65 onns, sco quai che la retschertga svizra davart il consum da tubac ha erui. Quai corrispunda ad in regress da bundant in dieschavel. Era sch'i vegn probablament firmezzatgna oz en l'atgna abitaziun per il pli mo sulet u sin il balcon u en curtin, èn tuttina anc var 40 pertschient dals uffants da scola e dals giuvenils periclitads a chasa dal fim da tubac.

Ils giuvenils èn suttaposts pli savens al tubachissem passiv

Ils giuvenils e crescids giuvens respiran pli savens fim passiv che gieud pli veglia. Quai sa resulta da la retschertga svizra davart il consum da tubac. In dals motivs principals è che la gieud giuvna sa participescha pli savens ad occurrentzas nua ch'ins astga fimar; ultra da quai fima blera gieud giuvna sezza.

Era en il lieu da lavur èn las emploiajas ed ils emploiadis sut 25 onns (inclusiv personas en scolaziun) exposts il pli ditg al fim passiv. Probabilmente i fiman collauraturas e collauraturas pli giuvens d'in manaschi ensemen en la pausa, schizunt en cumpagnia da nunfimaders.